



Luca Aerni, il victur da la cumbinaziun alpina tar ils umens.



El ha gudagnà la cursa roiala, la cursa rapida: Beat Feuz.

FOTOS G. N. STGIER

Mangia e bavi è er vegnì blier

San Murezzan 2017

DA GION NUTEGN STGIER / ANR

■ Cun la ceremonia finala en ids a fin ier ils Campiunadis mundials da skis. In punct culminant è stà la produziun da bunamain 200 chantaduras e chantadurs da l'entira Engiadina. Da vart da la FIS e da Swiss Ski han ils organisaturs retschet blers compliments per lur lavur perfetga. Cun in di da bellezza, cun rotschas da fans e cun fatschas cuntentas da tut las persunas che han contribuì blier al success dals Campiunadis mundials da skis en quels ids ier dumengia a fin. Il sulegl n'è betg mo la marca da San Murezzan, na, las davosas duas emnas è il sulegl er stà adina preschent a la Corviglia. La bilantscha dals organisaturs è pli che be positiva, cun il pitschen incap succedi cun l'avui da la Patrouille Suisse. Ier dentant, il davos di da la gronda festa da skis, er quel accident gia stà nagin tema pli.

Prest 13 000 persunas accreditadas
Ier han ils organisaturs er publictà intginas cefras interessantas. Gist prest 13 000 persunas en stadas accreditadas per l'occurrènza mundiala da skis. Grazia be a quellas ha San Murezzan fatg passa 44 000 pernottaziuns. 1350 voluntaris,



Las victuras da las medaglias en la cumbinaziun alpina da las dunnas: Michelle Gisin, Wendy Holdener e Michaela Kirchgasser (da san.).

600 schuldads e vers 200 umens da la protecciun civila han prestà lavur exemplarica. Rapportà mintga di dals Campiunadis mundials da skis han 1800 schurnalists. Sulet SRF ha gi al lieu 150 persunas per emtter ils pli bels maletgs en la stivas. Passa 800 uras ha SRF emess da San Murezzan.

35 000 persunas al Kulm Park

Bunamain 165 000 persunas en stadas da la partida a Salastains per guardar las cursas al lieu. Las ceremonias da medaglias e las autras occurrènzas en il Kulm Park han gist 35 000 persunas persequità la saira. Bavid è vegnids 40 000 liters biera, mangiads en vegnids 19 000 hamburgers e lura er anc 23 000 liongias da brassar. En plis acziuns è il mascotign Moritz stà da vesair 110 giadas. 250 camiuns han manà a Salastains passa 450 tonnas material. Per lung da las pistas, a l'arrivada a Salastains, en vegnids montads 23 km cabels da tuttas sorts. Gist 6 km bandas cun il logo San Murezzan 2017 en vegnids montadas a la Corviglia ed en vischnanca. Il punct culminant ord vista svizra en lura bain stadas las trais medaglias dad aur da Wendy Holdener, Beat Feuz e Luca Aerni.

FOTO DAL DI

Adia Campiunadis mundials da skis

(anr/gns) Cun il di dad ier è l'occurrènza da skis a San Murezzan er ida a fin per mai. En regurdientscha restan intginas entupadas empernaivlas cun organisaturs, voluntaris ed auters schurnalists. Ina regurdanza als Campiunadis mundials da skis vegn er ad esser

mes uschenumnà «bagde» personal, cun auters plets mia accreditaziun cun la quala jau hai gi access en pliras partiziuns da la gronda occurrènza da skis. En quellas duas emnas hai jau tschertgà da preschentar San Murezzan e la festa da skis dad in'auter aspect e per

ina giada en las prestaziuns da skiunzas e skiunzas stadas plitost secundaras. Tuttina èsi stà bel da partir cun nossas atletas e noss atlets lur success e da giudair ils dis dad aur a Salastains, la festa suenter e schizunt la vita da notg a San Murezzan.



Ier è er stà per mai il davos di da lavur a San Murezzan ed enavos restan bellas regurdientschas.

FOTO G. N. STGIER



Critica da tuttas varts dals Austriacs ed er tar ils transports da San Murezzan a Salastains che han dentant pli che funcziunà.

FOTO G. N. STGIER

Critica nungjustifitgada

San Murezzan 2017 ed ils Austriacs

■ (anr/gns) Pli u main be laud han retschet ils organisaturs dals campiadis mundials las davosas duas emnas. Adina da criticar han cunzunt gi ils Austriacs e quai cunzunt il team da la televisiun ORF. Il transport cun ils bus da «shuttle» funcziunava betg, il mangiar saja betg bun, l'organizaziun plitost mediocra ed uschia vinavant e quai mintga di. Las pistas na sajan per part betg dignas per ina occurrènza da skis mundiala, la cursa rapida dals umens avessia gi da vegnir spustada

per in di e betg scursanida, lur avessan ils Austriacs segir cumbatti per aur. Suenter ch'ils Austriacs han senti dal naufragi da project Gieus olimpics 2026 en il Grischun han els ditg cun ina luschezza: Tge vulais vus organisar Gieus olimpics sche vus n'essas gnanc abels dad organisar en urden in Campiadis mundial da skis. Cun il na dal Grischun tar quel project saja uss il pli grond concurrent davent e la via libra per Innsbruck per organisar il 2026 l'Olimpiada d'enviern.